



## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

XXV. De veritate, ejusque usu. Simplicitas laudatur. Actus fidelitatis.

**urn:nbn:de:hbz:466:1-10805**

amicum videre, justior, fecisse. Qui grātē beneficium accepit, qui libenter & benignè primam ejus pensionem solvit. Nunquam voluit gratus esse, qui beneficium tam longē projicit, ut extra conspectum sit. Qui illud extollit, qui se negat gratiam referre posse, jam reddidit. Qui fatidiosè accepit & negligenter, parvi facere illud videtur. Qui vix indicat se sensisse, vix labia dedit, ingratior est, quām si taceret. Vir bonus, dum accipit beneficium, de reddendo statim cogitat. Quid enim tam contra officium, quām non reddere quod acceperis? Nec mensurā pari, sed uberiori reddendum; sicut terra suscepit semina majori cumulo restituit. Cave tamen, ne in gratiæ relatione nimium festines. Quidam, cūm aliquod munusculum missum est illis, aliud subinde intempestivè remittunt, & se nihil debere testantur. Rejiciendi hoc genus est, cūm munus munere subito expungis.

## C A P U T X X V.

*De Veritate, ejusque usu. Simplicitas laudatur. Actus fidelitatis.*

**I**N omni sermone, gestu, & scriptura, aliisque signis externis veritas sit. Non detet Christianum hominem labium mendax. Muliebre vitium & plebeium est, aliud peccatore claudere, aliud ore proferre. Vir generosus res simpliciter enuntiat prout sunt: non exagge rat, non amplificat, non decipit, non simulat, verborumque ambages & involuera devitat. Simplicia verba veritas simplex amat. Vult nuda videri; quia innocens est. Qui vero mentitur aut fallit, rem duplice sermone obscurat; ut lateat. Odit lucem qui malè loquitur, sicut qui malè agit. Cave itaque, ne ut vestitum, sic sententiam habeas, aliam domesticam, aliam forensem: ne in fronte ostentatio sit, intus veritas occultetur. Ab hoc vitio abhorret ipsa natura. Pueros vide, nondum ratione utentes. Mendacium inter prima probra objiciunt; & quamvis levitate quādam assument, tamen iniusta iudicii rectitudine damnant. Qua in re Dei providentiam admirari oportet, que virtutes animo inferit, sine quibus vita & societas stare non possunt. Omnia autem perniciosissimum est mendacium vitæ. Nam si omnem sermonis falsitatem abominaris, tanquam sublimi animo

indignam, cur ipse mendacium esse, & vivere non formidas? Magna res est, unum hominem agere.

2. Simplicitas, pagum hominibus cognita virtus, tanta est dignitatis, ut eā Deus magnopere delectetur: nam *cum simplicibus sermocinatio ejus*. Simplex enim ille & integrinus cūm sit, simplices esse vult animas, quæ ad se conveniunt. Est autem simplex, qui in varia non abit: qui sine duplicitate & hypocrisi tamē se exteriorū exhibet, qualis interiorū est: qui proprios defectus, cūm fert occasio, candidè & sincerè faciet: qui malitiam parvulus est, & omnem politicam agendi rationem detestatur: qui non exclusa prudentiæ circumspectione, fidem in omnibus esse arbitratur, malum de nemine suspicatur: qui stultus apud homines videri non refugit, ut sit sapiens apud Deum: qui ab omni multiplicitate alienus, simplici intentione Deo placendi, cuncta operatur. Quid turbaris erga plurima, infelix astutia? Unum est necessarium; ut ad eum pervenias, qui unus & simplicissimus est. Nunquam pertinges ad metam, si dupli gradis viâ.

3. Fidelitas, inter maxima & præcipua humani generis bona, colenda est: hac enim sublatâ tollitur usus commerciorum, dissolvitur amicitia, foedera dissolcentur, universa Respublica perturbatur. Rara tamen & ista est, ac fere mundo incognita virtus. Passim accusant humanam perfidiam tot ad contractus adhibiti testes, tot stipulationum firmamenta, tot interpositæ industriae: qui nihilominus vix sufficiunt, ut firma maneat pacta & conventa. Adeò plerique soridii sunt, ut sanctior sit illis questus quām fides. O turpem humano generi publicæ fraudis ac nequitiae confessionem! Nemini credimus sine teste, sine sponfore: & tutius in tabulis, quam in animi sacrario, fidem custodiri arbitramur. Cæterū vir fidelis quodcumque opus promissum constanter exequitur, comissa sibi secreta nemini pandit, datam fidem etiam hostibus servat, ipsamque regnis ac vita præfert. Tardè quidem promittit, quia celeri sponsioni celerem incumbere pœnitentiam novit: sed si semel spopondit, non fallit, non violat, nisi forte rerum status mutetur, aut peccandi periculum incidat. Neminem obligat promissio, quæ non potest sine scelere adimpleri.